



UNIVERSITÄTS-  
BIBLIOTHEK  
PADERBORN

# **Cogitationes, Sive Considerationes Christianae Pro singulis Anni diebus**

Complectens Julium, Augustum, Septembrem

**Nepveu, François**

**Monachii, 1709**

Dies 19. De modo diem christiano more transigendi.

---

[urn:nbn:de:hbz:466:1-60520](https://nbn-resolving.org/urn:nbn:de:hbz:466:1-60520)

pro singulis anni diebus.

167

è genij tui impulsu vivas: id est, quòd ad Augustus.  
regulæ præscriptum non agas.

*Statue deinceps secundum regulam vivere,  
ut inconstantias tuas è medio tollas.*

Justè, quod justum est, persequeris.  
Deuter. 16. 20.

Soliciti circa custodiam ordinis, ut ordo  
custodiat vos. Bern.

## DIES XIX.

### De Modo Diem Christiano more transigendi.

#### I.

**U**T Christiano more vivamus, ad regu-  
læ præscriptum vivere nos oportet;  
ut verò ad regulæ præscriptum vitam no-  
stram instituamus, actiones quotidianæ be-  
ne ordinandæ sunt. Primò quidem actio-  
num nostrarum naturam probè examina-  
re debemus, ut sciamus, quænam facien-  
dæ, quænam intermittendæ sint. Tria  
sunt actionum genera, quæ vitam nostram  
totam componunt. Primæ cultum divi-  
num spectant, uti sunt Oratio, Missæ Sa-  
crificium, Meditatio, vel Lectio, Sacra-  
mentorum usus, & omnia pietatis exer-

L 4

ci-

**Augustus.**

citia. Regula in ijs observanda in hoc consistit, ut nobis legem statuamus inviolabili constantia tenendam, nisi, cum eam vel servare non possumus, vel charitas non admittit, cui primus semper debetur locus. Secundæ actiones spectant ad nostra negotia, functiones, & munera conditioni nostræ annexa. Ratio tres nobis regulas pro hoc functionum genere præscribit. 1. officia sua cum gaudio obire. 2. ea, quæ præstare obligamur, semper præferre arbitrarijs, licet hæc illis perfectiora sint. 3. non suscipere negotia, quæ negotio salutis nostræ sociari non possunt, vel ab eo nimium nos avertunt. Tertijs generis actiones sunt illæ, quæ nostras animi remissiones spectant: subinde enim relaxare animum oportet. En regulas hac in re observandas. Quemadmodum oblectamenta, & recreationes veluti remedia infirmitati nostræ conceduntur, sic ijs quoque utendum, ut medijs, quæ non nisi necessitatis causâ adhibentur; ac propterea moderatè usurpantur, neque periculosa admittuntur: quanta enim fatuitas vitam suam conservare velle medijs, quæ nos in discrimen, eandem amittendi, conijciunt?

II. Se-

II. Secundò observandum est actionum nostrarum tempus ; idcirco , ubi consideraverimus , quid conditio , sanitas , vires , & muneris nostri functiones admittere possint ; Deum insuper , & Moderatorem nostrum , qui ejus tenet locum , consuluerimus , ipsimet nobis ordinem quendam diurnum præscribere debemus , qui nobis indicet tempus , quo actio quævis obeunda , quantumque temporis ei tribuendum sit. Hoc modo res ordine fient , confusio , & rædium evitabitur ; è quibus plerumque oriuntur otium , & incertitudo illius , quod agendum est. Atque hoc modo participes siemus illius commodi , quo Religiosi gaudent , quibus semper certum est , se Dei voluntatem facere , dum regulas suas observant : ubi hunc ordinem nobis præscripserimus , constanter eum tenere nos oportet , ne vel ex ignavia , vel infidelitate , vel levitate , vel fastidio , quod aliquoties in eadem semper re tractanda experiri solemus , ab eo recedamus. Neque tamen huic ordini servili modo nos subijcere , nec religioni nobis ducere convenit , illum mutare , ubi ratio , vel necessitas , vel charitas , eum mutandum esse suadent. Annon vel infidelitas tua est , non verò suprà dicta motiva , quæ te ad mutandum sæpe nume-

*Augustus,* ro induxerunt ordinem, quem tibi praescripsisti?

III. Tertiò actionum nostrarum modum ad rationis normam exigere debemus. Modus iste duo complectitur: methodum, quam in ijs tenere, & interiorum animi sensum, quo nos animare debemus. Quod attinet ad methodum, consultum est, talem sibi praescribere, qualem quis pro actionibus praecipuis potest. Ut sunt, Oratio, Missae Sacrificium, Confessio, & Communio. Non omnis methodus congruit omnibus: quæ enim accommodata est uni, alteri idonea non est; idcirco ea respondere debet ætati, corporis habitudini, conditioni, officijs, & alijs dispositionibus, ac cujusvis propensione. Quemadmodum dispositiones istæ, & propensio mutari possunt; sic etiam methodus juxta Moderatoris instructionem mutari debet. Inveniuntur animæ, quas Spiritus Sanctus dirigit, & modo peculiari ad se trahit, quin aliqua methodo indigeant, hujusmodi animæ methodo subiiciendæ non sunt. Ac similium paucas invenire est. Quod attinet ad spiritum interiorem, consistit hic primò in intentione, quæ actiones nostras animare, eisque meritum tribuere debet, & pretium: præcipua esse debet, glorificare Deum

Deum. Secundò in fervore, qui actiones minimas multùm elevat, easque perfectas reddit, quæ aliunde satis imperfectæ videbantur. Augustus.

*Statue tibi met juxta monitum directoris tui ex hisce regulis ordinem diurnum facere, eumque sequi.*

Corroboratúsque est Ioatham, eò quòd direxisset vias suos coram Domino. *Paral. 2. c. 27. 6.*

Omnia, quantò magis ordinata sunt, tantò magis utique bona sunt. *Aug.*

---

## DIES XX. De Humilitate.

### I.

**S**alutem æternam non consequemur, si prædestinati non sumus: prædestinati verò esse non possumus, si Christo similes non sumus: at similes ei non sumus, si humiles non sumus; neque humiles esse possumus, sine nostri despicientia; nam, ut magnus æquè, ac humilis Bernardus ait, cujus hodie festa dies agitur, incassum laboras humilitatem acquirere alio medio, quàm tui abjectione. Quì igitur fit, ut tanto cum horrore eam fugiam? heu me!

fru-